

全國名醫驗案類編

第六冊

時疫白喉病案
時疫霍亂病案

上海大東書局印行



當代全國

名醫驗案類編目錄

二集 八大傳染病案

第九卷 時疫白喉病案

燥疫白喉案.....丁甘仁

燥疫白喉案.....袁桂生

燥疫白喉案.....陳務齋

燥疫白喉案.....莊虞卿

燥疫白喉案.....尹小閏

燥疫白喉案.....何拯華

燥疫白喉案.....何拯華

燥症紅喉轉白案.....蕭琢如



風毒白喉案.....李倫青

風毒白喉案.....李倫青

風火白喉案.....李倫青

伏熱白喉案.....丁佑之

陰寒白喉案.....蕭瑞器

陰寒白喉案.....李倫青

虛火白喉案.....張錫純

虛火白喉案.....袁桂生

白喉併病案.....何拯華

白喉壞症案.....何拯華

白喉兼瀉案.....蕭琢如

瀉轉白喉案.....蕭琢如



當代
全國名醫驗案類編

二集 八大傳染病案

第九卷 時疫白喉病案

○燥疫白喉案

【病者】葉女，年十餘歲，住上海白克路。

【病名】燥疫白喉。

【原因】素因陰虛肝熱，現因染燥疫時氣，與內蘊伏熱相應為患。病已四天。

【症候】喉旁左右兩關腐爛，蒂丁亦去其半。身熱不壯，四日粒米不進。

【診斷】脈象濡數，舌質淡紅，中後薄黃。余曰：此疫癘之邪薰蒸肺胃而心肝之

火內熾也。

丁甘仁
海上



【療法】鄭梅澗重樓玉鑰續集云。白喉遇燥氣流行而發。用藥以養陰清肺爲主。今仿其法而加減之。

【處方】鮮生地 六錢

京元參 三錢

冬桑葉 三十張

金銀花 三錢

漢木通 八分

鮮石斛 四錢

甘中黃 八分

川貝母 三錢
去心

青連翹 三錢

薄荷葉 八分

川雅連 五分

鮮竹葉 三十片

活水蘆根 一兩
去節

【效果】一劑卽咽喉腐爛漸脫。反覺焮痛。此由腐爛雖去。新肉未生。故焮痛。仍用原方。加花粉三錢。因未大便。加生川軍三錢。開水泡絞汁沖服。得大便甚暢。胃熱下行。白喉隨愈。肺與大腸相表裏。腑熱下達。肺火亦從下降。病遂就痊。

廉按鄭氏養陰清肺湯。專爲燥疫白喉而設。雖屬正治。然就余所驗。江浙患眞白喉症少。染爛喉痧者多。若不明辨而誤用。每致貽人夭札。吾友杜



君同甲，所以著白喉挾微駁議，叮嚀以警告病家也。

○燥疫白喉案

袁桂生
住鎮江京口

【病者】家嫂，年四十歲，住京口。

【病名】燥疫白喉。

【原因】今年九月間，疫喉盛行，感染而陡患喉證。

【症候】初起時，僅咽喉兩旁紅腫，繼起白點，發熱惡寒，頭疼。

【診斷】脈滑，舌苔淡黃而膩，此燥挾濕熱痰滯醞釀為患。

【療法】辛涼甘潤以泄熱解毒，豁痰清喉，外治吹蓬萊雪。

【處方】蘇薄荷 四分

冬桑葉 一錢

青連翹 四錢

括萋皮 三錢

金銀花 三錢

川貝母 三錢 去心

鮮生地 六錢

金果欖 二錢 杵

【次診】次日寒熱退而咽喉兩旁則破爛，湯水難下，舌苔淡黃厚膩，右脈滑數。

乃痰伏上焦也，仍以前方加減再進一劑。



【次方】金銀花 三錢

青連翹 四錢

川貝母 三錢 去心

金果欖 二錢 杵

鮮生地 六錢

淡黃芩 二錢

光杏仁 三錢

冬瓜仁 四錢

石菖蒲 四分

絲瓜絡 四錢

漢木通 一錢

雅梨汁 一酒 鍾

和服

【三診】第三日復診。喉部潰爛未至蔓延。咽內常覺痰阻。舌苔黃膩。痰濁甚重。

輕劑不能治也。

【三方】旋覆花 二錢 包煎

川貝母 四錢 去心

海浮石 三錢

括萎仁 三錢

半夏麴 三錢

原麥冬 三錢

鮮生地 三錢

小川連 五分

廣橘皮 錢半

雅梨汁 一酒 鍾

萊菔汁 一酒 鍾

和服并另用梨汁萊菔

汁與飲

【四診】痰漸活動。能稍稍咯出矣。然舌苔則滿佈黏膩。口黏而乾。大便數日未通。右脈滑數。乃以原方去海浮石。加滾痰丸三錢同煎。蓋欲通其大便。

使痰濁下降也。



【五診】此藥服後。夜間能睡一二時。知饑欲食。而病勢遂大退矣。然并未大便。惟吐痰則甚多。舌苔尚膩。仍以前方去滾痰丸。服後諸恙俱退。家嫂以藥太苦。遂不服藥。

【效果】但以薄粥調養。越日大便始通。而起居如常矣。

廉按過玉書曰。白色喉蛾。白色喉痹。白色喉風。白色虛喉。白色喉癰。癆症白喉。以及喉疳之白腐。喉痧之白點。皆南方常有之症。均非北方之時疫白喉也。此案雖係燥疫白喉。然挾濕熱痰滯。故初用辛涼甘潤。解毒豁痰。繼因痰濁甚重。注重開痰爲君。佐以清潤。終加滾痰丸。消降痰火。尤爲着力。故服後諸恙悉退。而痊。惟生地麥冬。陰凝滯氣。究與痰濁不相宜。當易竹瀝金汁爲妥。

○燥疫白喉案

陳務齋

住梧州四方井街

【病者】梁德榮。年三十歲。體壯。商業。廣東新會縣。住廣西梧州。



【病名】燥疫白喉。

【原因】素因過食酸滯。嗜酒無量。誘因秋天炎燥。是年白喉盛行。毒菌飛揚。由口鼻吸受。直接傳染。

【症候】惡寒發熱。頭目眩痛。背脹腰刺。全體骨節疼痛。咽喉乾涸。微現硬痛。繼則體中大熱。咽喉疼痛。勢不可忍。喉頭起白點。白塊。微爛。外面微腫。口乾而渴。頭部更痛。聲破不能言。目赤。唇焦。氣逆。喘急。氣熱而臭。頑痰湧鼻。流鮮血。神志煩悶。睡寤恍惚。神識昏迷。面色微黑。

【診斷】脈左洪弦。右浮數。體溫一百零五度。此燥疫白喉症也。查閱前醫方藥。純爲表散治風之方。反使其毒分竄。經絡火勢愈猛。血湧於鼻。痰阻關竅。頓致心神昏憤。危在頃刻。今所幸者。左脈尙存。根氣或可救治。

【療法】先用仙方活命湯加減。取犀角。蓮心。膽草。山梔。清君相之火。爲君。石膏。知母。黃柏。平陽明。燥熱爲臣。生地。中白銀花。白芍。甘草。涼血養陰。和中。

敗毒爲佐。元參兜鈴藍根瓜蒌下氣化痰潤肺降逆爲使。連進三服。鼻血止。人事醒。體熱亦退。面脣略潤。繼用養陰清肺湯加減。連進五服。白喉已退。咽潤津復。略能言語。稍進薄粥。惟腹中滿脹。大便不行。診脈左則緩。靜右關尺數有力。用白虎承氣湯加減。推蕩瘀熱。二服後瀉下黑燥糞數次。眠安食進。診脈已緩。終用生脈散合白虎湯助氣生津清胃潤燥。

【處方】仙方活命湯加減方

龍膽草 三錢

馬兜鈴 三錢

括蕒仁 五錢

元參 三錢

川黃柏 二錢

鮮生地 八錢

板藍根 二錢

生石膏 八錢

犀角尖 二錢
磨沖

白芍 三錢

生甘草 一錢

焦山梔 三錢

蓮子心 三錢

人中白 三錢

白知母 四錢

濟銀花 三錢

煎服

【次方】養陰清肺湯加減方

鮮生地 六錢

麥冬 四錢

白芍 三錢

薄荷 六分

元參 三錢

丹皮 二錢

川貝 二錢

生甘草 錢半

膽草 三錢

生石膏 五錢
研細

犀角 三錢

煎服

【三方】白虎承氣湯加減方

芒硝 三錢

生大黃 四錢

生石膏 四錢
研細

瓜蒌仁 三錢

知母 四錢

鮮生地 五錢

黑元參 四錢

煎服

【四方】生脈散合白虎湯方

生石膏 四錢
研細

麥冬 三錢

五味 一錢

知母 四錢

西洋參 三錢

粳米 五錢

甘草 錢半

【效果】五日人事已醒。熱退體和。白喉已減。鼻血亦止。十日喉症已除。略能言語。食量略進。二十日病除食進。元氣已復。

廉按此仿張善吾鄭梅澗輩治燥疫白喉之法耐修子白喉抉微一書皆



用此等方藥全在臨證者辨明眞燥白喉始可做用否則貽誤反多學者宜注意之

○燥疫白喉案

【病者】項雲禪令郎年五歲體弱住吉祥巷

【病名】燥疫白喉

【原因】素體陰虛肝熱內盛至深秋復感溫燥而發喉症

【症候】初起惡寒發熱滿喉皆粉白音啞鼻塞面青神倦大便溏瀉

【診斷】脈浮無力左關弦數舌紅苔粉白指紋青紫脈症合參此眞白喉症也

【療法】治之之法惟有以厚重之藥鎮其上層如巨磚蓋鼎使燄不上騰復以清涼之藥潤其次層如以濕棉禦燄使火不內射既鎮且潤火毒自駢馴而下行惟大便秘瀉太甚又宜兼顧脾氣庶無滑脫之虞方用生地元參丹皮炒芍以清其血分之熱川貝麥冬生草石膏以清其氣分之

莊虞卿
住
十一中學



南京中医药大学图书馆版权所

火加薄荷銀花連翹以消其腫而解其毒。粳米以補其脾而挽其瀉。白喉兼瀉。白喉論原有加薑香砂仁之訓。但香砂辛溫利於瀉不利於喉。茲易以粳米。較用香砂似覺平穩。蓋粳米甘涼清熱補脾兩擅其長。故也。外以瓜霜散加牛黃頻吹以清毒而消腫。

【處方】細生地 五錢

原麥冬 三錢

炒白芍 二錢

生粳米 一合

蘇薄荷 一錢

烏元參 四錢

湖丹皮 二錢

生石膏 三錢
研細

川貝母 二錢

生甘草 一錢

每日服兩劑

【又方】西瓜霜 一錢

飛硃砂 三分

梅花片 一分

人中白 二分
煅

西牛黃 二分

雄黃精 三分

研細末頻吹喉內白點上

【效果】二日神色明亮。白塊束小。五日泄瀉亦減。七日白點退淨。飲食如常。十日聲音稍亮。再以竹葉石膏北沙參破麥冬生苡仁生甘草川貝母治之。兩旬諸恙悉退矣。



此法治真白喉證感邪已輕內熱尙重者用之惟五歲小孩日服兩劑分量尙厭太重在善用者斟酌之

○燥疫白喉案

尹小閏
住諸城

【病者】李式平忘其年住本鄉

【病名】燥疫白喉

【原因】素稟陰虛染時行燥疫而發患此十餘日自知不起流涕求救

【症候】喉燥純白咳吐黏涎鼻塞頷腫口乾便秘

【診斷】脈緩滑而大舌苔白厚帶灰而糙此伏火內盛燥毒外引釀成時疫白喉也

【療法】用調胃承氣湯以蕩滌腸胃宿垢實熱合養陰清肺湯以潤燥活痰佐以郁李淨仁破大腸氣滯使以枳殼直達幽門

【處方】生川軍

錢半
酒洗

元明粉

二錢
後入

生甘草

一錢

北沙參

四錢



原麥冬 三錢

鮮生地 五錢

粉丹皮 三錢

京川貝 三錢 去心

蘇薄荷 一錢

生白芍 二錢

郁李淨仁 二錢

生枳殼 一錢

【效果】疊進兩劑頭煎便下如膿。自覺喉間黏涎。劃然而下。所患若失。而舌苔猶現灰色。再進一劑而退。繼用前方去硝黃枳殼郁李仁薄荷等五味。加元參四錢。養陰清肺。壯水制火而痊。

【說明】此證始於天行。盛於傳染。凡人鼻氣通天。口氣通地。溫燥吸入。蘊結上中二焦。阻其脾胃升降之機。濕熱鬱蒸。津液不得四布。脘悶生涎。上蒸華蓋。外則頷頤結腫。宛如時毒。內則盤踞咽喉。蒸成濁痰。邪無出路。愈結愈堅。而死亡隨之矣。治當以邪從口鼻入者。仍驅之從濁竅出。其間有表症者。乃裏氣之滯也。邪留於胃。裏氣滯。表氣因之不通。如目痛。眉稜骨痛。目眶痛。鼻乾不眠。膝眼正面痛。此皆邪溢陽明之表。所謂裏中之表也。如腹痛脹悶。四肢厥逆。或者溏糞下利。如爛柿。如敗醬。如倭瓜。

藕泥膠滯稠黏。至死不結。此則裏中之裏。法宜速用調胃承氣。以元明粉易樸硝爲之君。以酒軍爲臣。以甘草枳實爲佐使。急通其裏。裏愈而表自愈。至於脈緩滑而大者有之。緩洪沉沉抵骨者。亦復不少。氣道不利。故也。若必俟洪數勁指。十不獲一。十餘年來。已驗之人。歷歷不爽。如病人畏忌大黃。可用元明粉拌搗瓜蒌。每奏奇功。初下。每如常糞。再下。則變紅中。雜黏液膠滯。後復得黃糞。爲邪盡。若紅黑色。爲未愈。仍宜守方下之。不變黃。不止。既變黃。又不可不速止。此爲秘訣。

附按時疫白喉之病原在菌。而所以失其抵抗病菌之能力。致令此菌集結於肺部喉關。阻礙人之呼吸生機者。皆由肺胃之津液。因薰灼而化生黏涎稠痰之過也。就余所驗。挾外感之風燥者。其勢重。無外感之風燥者。其勢輕。此案見其痰涎膠滯上中二焦。肺氣因之失降。故用大黃元明粉。遵內經上病取下之旨。因勢利導。一鼓廓清。使毒有出路。仍參以養陰清

肺者蓋爲素稟陰虛挾有燥熱者而設處方剛中寓柔非確有膽識者不辦案後說明亦有見地洵閱歷有得之言也

○燥疫白喉案

何拯華
紹興同善局

【病者】周增福年三十八歲業商住干溪

【病名】燥疫白喉

【原因】深秋吸受燥氣內伏肺絡而不發至初冬新感暴冷與所伏之燥火互相衝激猝乘喉間清竅而發

【症候】身痛發熱惡寒無汗喉間初發白點繼發白塊咽燥無痰咳則胸痛

【診斷】脈左浮緊右浮數按之反濇舌邊尖紅苔罩白滑此肺經伏燥內發太陽新寒外束也

陽新寒外束也

【療法】吳氏鞠通曰燥氣爲病輕則爲燥重則爲寒化氣爲濕復氣爲火故先用麻杏爲君宣肺氣以達皮毛迅散其外束之新寒臣以甘石石膏爲

